

TARIKH : 27 JANUARI 2023
AKHBAR : KOSMO
MUKA SURAT : 4

Subsidi bersasar perlukan data berkualiti – Rafizi

Subsidi bersasar perlukan data berkualiti – Rafizi

PETALING JAYA – Menteri Ekonomi, Rafizi Ramli berkata, pelaksanaan subsidi bersasar memerlukan data yang berkualiti bagi memastikan ia sampai kepada isi rumah yang benar-benar memerlukan.

Kata beliau, pengumpulan data itu membolehkan kerajaan mengetahui secara terperinci jumlah isi rumah, pendapatan serta penerimaan bantuan.

“Salah satu tanggungjawabnya saya adalah untuk memastikan infrastruktur dan

keupayaan data kerajaan dinaik taraf dengan segera.

“Tanpa infrastruktur data yang baik, ia menjadi penghalang kepada keputusan ekonomi yang sepatutnya tidak perlu diperdebatkan,” katanya dalam satu hantaran di Facebook semalam.

Tambahnya, data yang berkualiti dapat membantu pihak kerajaan untuk membuat keputusan yang adil kepada semua pihak dan mencapai matlamat dari segi menangani cabaran ekonomi.



SUBSIDI bersasar termasuk barang keperluan perlu data berkualiti agar ia sampai kepada golongan memerlukan. – GAMBAR HIASAN